



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA
MINISTARSTVO PROSTORNOG UREĐENJA, GRAĐENJA,
ZAŠTITE OKOLIŠA, POVRATKA I STAMBENIH POSLOVA

Broj : 06-14-307/2019-5

Travnik, 09.09.2019.godine

Ministar Ministarstva prostornog uređenja, građenja, zaštite okoliša, povratka i stambenih poslova, na osnovu člana 70. Zakona o javnim nabavkama Bosne i Hercegovine («Sl.glasnik Bosne i Hercegovine», broj: 39/14), u postupku javne nabavke, d o n o s i

O D L U K U **o izboru najpovoljnijeg ponuđača**

I

Ponuđaču "ENERGOTEHNIKA" d.o.o. Doboj dodjeljuje se ugovor o javnoj nabavci radova za projekt « *Rekonstrukcija glavnih priključnih cjevovoda do paviljona i projekt kotlovnice sa projektom sekund. Podstanice, JU Bolnica za plućne bolesti i tuberkulozu, općina Travnik* » – KONKURENTSKI POSTUPAK, sa cijenom ponude od 40.365,00 KM (sa PDV-om), uz sufinansiranje projekta od strane JU Bolnica za plućne bolesti i tuberkulozu Travnik.

II

Javna nabavka radova za projekt iz tačke I. izvršit će se na način koji će biti definisan ugovorom zaključen između odabranog ponuđača, Ministarstva (u visini sredstava odobrenih za predmetni projekt po osnovu Odluke Vlade o izdvajanju sredstava namjenjenih za zaštitu okoliša za 2019.godinu iz Fonda za zaštitu okoliša Srednjobosanskog kantona u iznosu od 36.000,00 KM) i JU-e Bolnica za plućne bolesti i tuberkulozu Travnik u iznosu od 4.365,00 KM.

III

Zaključenje ugovora sa najpovoljnijim ponuđačem kojim će se regulirati prava i obveze između ugovornih strana, izvršit će se po proteku roka od 10 dana, računajući od dana kada su ponuđači obavješteni o izboru najpovoljnije ponude.

IV

Ova Odluka objavit će se na web stranici Vlade Kantona u skladu sa članom 70. stav 6. Zakona o javnim nabavkama Bosne i Hercegovine («Sl.glasnik Bosne i Hercegovine», broj: 39/14).

V

Za izvršenje ove Odluke zadužuje se i ovlašćuje Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova SBK/KSB.

VI

Ova odluka stupa na snagu danom donošenja i dostavlja se ponuđaču u skladu sa članom 71. stav 2. Zakona o javnim nabavkama Bosne i Hercegovine.

Obrazloženje

Postupak predmetne javne nabavke pokrenut je Odlukom o pokretanju postupka, broj: 06-14-307/2019 od 21.08.2019.godine, a finansira se na osnovu Odluke Vlade o izdvajanju sredstava namijenjenih za zaštitu okoliša za 2019.godine iz sredstava Fonda za zaštitu okoliša SBK/KSB u 2019.godini, broj: 01-02-559/2019 od 21.06.2019.godine .

Javna nabavka je provedena putem konkurentskog postupka za dostavljanje ponuda sa predviđenom e-aukcijom. Obavještenje o javnoj nabavci i tenderska dokumentacija poslani i objavljeni na portalu javnih nabava broj: 436-7-3-13-3-4/19 od 22.08.2019.godine.

Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova, blagovremeno je i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike.

Nakon otvaranja prispjelih ponuda u postupku proveden putem konkurentskog postupka dana 05.09.2019.godine u 13,00 sati, Komisija je izvršila provjeru kvalifikacije kandidata, odnosno ponuditelja i ocjenu ponude na zatvorenoj sjednici održanoj dana 05.09.2019.godine u 16,30 sati, te analizirala kompletan postupak javne nabavke i utvrdila slijedeće:

- Kandidati koji su dostavili ponudu :

" ENERGO TEHNIKA" d. o. o. Doboj	06-14- 307/2019-3
----------------------------------	-------------------

Prije otvaranja ponude Komisija je izvršila kontrolu prispjele ponude sa evidencijom ponuđača koji su preuzeli tendersku dokumentaciju na portalu e-nabavke i ustanovila da je pristigla ponuda preuzeta u skladu sa zahtjevima iz tenderske dokumentacije.

Također, Komisija je izvršila provjeru da li je ponuđač dostavio tražene i popunjene obrasce u skladu sa tenderskom dokumentacijom i to: obrazac za dostavljene ponude, obrazac za cijenu ponude, izjavu iz člana 45. Zakona, dokaz iz članka 46-sposobnost obavljanja profesionalne djelatnosti, dokaz iz člana 51. b) tehnička i profesionalna sposobnost u postupku nabavke radova i obrazac izjave iz člana 52. Zakona.

- Ponuđač je dostavio tražene, popunjene i ovjerene obrasce, koje predviđa Zakon o javnim nabavkama.

Kako je u postupku predmetne javne nabavke dostavljena samo jedna prihvatljiva ponuda u kojem slučaju kada postoji samo jedna prihvatljiva ponuda se ne zakazuje e-aukcija, Komisija nije izvršila zakazivanje e-aukcije na portalu e-nabavke već je imajući u vidu navedenu činjenicu u nastavku postupka pristupila ocjeni zaprimljene ponude i rangiranju prihvatljivih ponuda prema kriterijumu najniže cijene.

- Nakon provjere kvalifikacionih kriterija navedenih u tenderskoj dokumentaciji, Komisija je pristupila računskoj provjeri financijskog dijela ponude ponuđača.

- Nije pronađena računska greška.

Kriterij za dodjelu ugovora u skladu sa tenderskom dokumentacijom je NAJNIŽA CIJENA.

Procijenjena vrijednost javne nabavke (sa uključenim PDV-om) iznosi 36.000,00 KM.

Iznos ukupne cijene ponuđača za ugovor (sa PDV-om):

	bez PDV-a	sa PDV-om
"ENERGOTEHNIKA" d.o.o. Doboj	34.500,00 KM	40.365,00 KM

Rangiranje prihvatljivih ponuda prema kriteriju najniže cijene :

	bez PDV-a	sa PDV-om
1. "ENERGOTEHNIKA" d.o.o. Doboj	34.500,00 KM	40.365,00 KM

Ponuđač čija je ponuda ocjenjena kao najpovoljnija tj. najniža cijena ponude ponuđača je: "ENERGOTEHNIKA" d.o.o. Doboj .

U postupku predmetne javne nabavke dostavljena je izjava o sufinansiranju JU Bolnica za plućne bolesti i tuberkulozu Travnik broj: 373/19 od 06.09.2019.godine u kojoj se potvrđuje da će bolnica snositi iznos stvarnih troškova nabavke koji bude prelazio iznos odobren od strane Ministarstva prostornog uređenja, građenja, zaštite okoliša, povratka i stambenih poslova.


Nakon izvršenog pregleda dostavljene ponude po kriteriju najniže cijene, Komisija za javne nabavke za potrebe Ministarstva prostornog uređenja, građenja, zaštite okoliša, povratka i stambenih poslova, pozivom na član 8. Pravilnika o uspostavljanju i radu komisije za nabavke («Sl.glasnik Bosne i Hercegovine», broj: 103/14) je imajući u vidu izjavu o sufinansiranju dala je preporuku, da se predmetni ugovor za javnu nabavku radova za projekt « *Rekonstrukcija glavnih priključnih cjevovoda do paviljona i projekt kotlovnice sa projektom sekund. podstanice, JU Bolnica za plućne bolesti i tuberkulozu, općina Travnik* » dodijeli poduzeću "ENERGOTEHNIKA" d.o.o. Doboj sa cijenom ponude 34.500,00 KM bez PDV-a, odnosno 40.365,00 KM sa PDV-om, kao najpovoljnijem ponuđaču. Od ukupne cijene za izvođenje radova Ministarstvo prostornog uređenja, građenja, zaštite okoliša, povratka i stambenih poslova SBK/KSB će finansirati projekat u iznosu od 36.000,00 KM a, JU-a Bolnica za plućne bolesti i tuberkulozu Travnik u iznosu od 4.365,00 KM.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača u predmetnoj nabavi radova dana u skladu sa Zakonom, podzakonskim i internim aktima, te tenderskim dokumentima.

Slijedom prednjeg, pozivom na član 70. Zakona o javnim nabavkama Bosne i Hercegovine, odlučeno je kao u dispozitivu.

PRAVNA POUKA:

Protiv odluke ugovornog organa može se izjaviti žalba Uredu za razmatranje žalbi Bosne i Hercegovine (URŽ), putem ugovornog organa, u roku od pet dana od dana prijema odluke. Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku. Žalilac je obavezan platiti naknadu za pokretanje žalbenog postupka u iznosu od 500,00 KM za procijenjenu vrijednost nabavke (do 50.000,00 KM) u smislu člana 108. Zakona o javnim nabavkama Bosne i Hercegovine.



MINISTAR

Amir Šećibović, prof.